

HOTEL PORTO PASEO TAMBE A PARTICIPA NA E AIR ARUBA HOLIDAYS PRODUCT LAUNCH 1996



ORANJESTAD(AAN)--- Ayera a tuma lugar den Wyndham Hotel un conferencia di Air Aruba Holidays Product Launch 1996.

Na e ocasion aki tambe tabata presente un di e Hotelnan mas bishita pa e Arubanonan esta Hotel and Casino Porto Paseo den su representante di sra. Roosje van Hoop como P.R. y Sales Rep.

Sra. van Hoop a keda masha contento cu Hotel and Casino Porto Paseo esta e segundo cas di e Rubianonan por tabata presente gracias na su contacto via P.T.C., conhuntamente cu Air Aruba nan por a participa na e Air Aruba Holidays

Launch.

Na e participacion aki sra van Hoop a duna un breve splicacion cu muy pronto "Brasserie Bon Bini" ta completamente nobo y e casino a bira mas grandi caminda e gran opening lo tuma lugar den luna di Maart.

Fuera di e grand opening di e Casino, tambe nan lo bay bini cu un pakette pa vakantie grandi.

Sra. van Hoop kier a gradici Fantastic Garden kende su empleadonan den persona di Frank Geerman y Juan Gonzalez a sa di decora su boot manera Hotel and Casino Porto Paseo ta na Curacao.

FESTIVAL "UN CANTO PA ARUBA"

ORANJESTAD (AAN): Diamars anochi durante e reunion teni den Trappers Club, a keda dicidi cu e festival lo carga e nomber di "Un Canto Pa Aruba" un festival destina pa tuma lugar tur aña prome cu Celebracion di Himno y Bandera. Ya caba tin 12 composicion inscribi pa e festival aki.

E prome festival lo tuma lugar diasabra dia 16 di maart proximo pa 8'or di anochi den Club Trappers. Esnan presente a bay di acuerdo pa basa

e huzgamento riba cancion su contenido (esta e letra di e compositor).

E compositor ganador di e cancion nobo lo ricibi e suma di Mil Florin (Afls.1000.--. E cantante lo ricibi un plakaat. E segundo lugar Afls.500.-- mas un trofeo y plakaat. E tercer lugar lo ricibi Afls.250.-- mas un trofeo y plakaat. Tin tres (3) premio pa cancion ya conoci cu ta consisti di plakaat y trofeo. Alavez lo tin trofeo pa e cancion popular.

E musica mester por ta Waltz, Tumba, Mazurka of Danza. E competidoman por ta Trio, Cuarteto, Quinteto of Conhunto Tipico. Un total di diezdos (12) cancion ya a ser inscribi cu siete (7) agrupacion. Ultimo dia pa inscribi ta 9 di maart. Manera ta conoci e festival lo ser dedica na memoria di e gran estadista Arubiano luchador pa Aruba su Himno y Bandera, y Status Aparte, sr.Betico Croes (q.e.p.d.)

E CURPA HUMANO LO TA E TEMA DI SEMINARIO DI QUOTA CLUB

ORANJESTAD(AAN): -- E organisacion Quota International of Aruba lo tene su seminario anual riba 30 di maart venidero.

E seminario aki lo ta den cuadro di e curpa humano, y lo tuma lugar den Hyatt Regency.

Orario ta di 8:30'or di mainta te cu 4'or di atardi.

Lo tin cuatro orador.

Nan ta K. Simpson, maestra y advisora na school pa muchanan sordo na Tennessee, Merca, dr. P. Ho-Kang-You, cirujano general na Hospital Horacio Oduber, dr. A. Riley, cirujano plastico na Hospital Horacio Oduber y dr. V. Vaughn, specialisa den medicina pre-

ventivo di arte martial na Florida, Merca.

Nan topiconan lo ta:

'Sordera como diferencia, no como handicap' pa señorita Simpson, 'Cancer na pecho' pa dr. Ho-Kang-You, 'Cirugia reconstructivo y cosmetico' pa dr. Riley y 'Stress, dolor y biehez' padr. Vaughn.

BLUE ARMY TA PARTICIPA VIGILIA PA DIABIERA AWOR

ORANJESTAD (AAN): Apostolado Mundial di Fatima (Blue Army) ta participa cu tin VIGILIA mañan diabierna, cuminsando pa 6'or y mei di atardi cu un Santo

Sacrificio di Misa y terminando diasabra mainta pa 7'or cu un Santo Sacrificio di Misa den Centro di Blue Army na San Nicolas.

Tur diabierna atardi pa 6'or

lo tin Caminda di Cruz den e Kapel. Alavez ta recorda tur hende cu tin Santo Rosario tur dialuna y tur diamars pa 8'or di anochi na Centro di Blue Army, y Santo Rosario tur diaranzon pa 5'or y mei di atardi na Misa Sta.Anna na Noord, y tur diasabra pa 9'or di mainta na Kapel Cristo Sufriente na Madiki.

Laga nos reza nos Santo Rosario den gruponan di oracion, pa asina nos cumpli cu e pidimento y e mensahenan cu Mama Maria a laga pa nos na Fatima. Tur hende ta bonbini.

Diadomingo awor Blue Army lo presenta pa 6'or di atardi un programa religioso na TeleAruba "Jesus and His Time-Among the People" (Follow Me and I will make you fishers of men).

Tambe lo presenta dialuna awor 4 di maart pa 10'or di anochi un programa religioso "Jesus and His Time - The Final Days" (I am the Resurrection and the Life).

Sintonisa TeleAruba den Cuaresma, pa e dos programa catolico aki.

GCA

Garage Cordia Aruba N.V.

AVISO

Garage Cordia Aruba N.V. ta avisa na su clientenan cu entrante 1 di Maart 1996 su fabrica di Radiator no ta den funcion mas y lo ta sera.

TOYOTA